



Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, br. 49/06 i 51/09) i člana 19. Statuta Općine Novo Sarajevo („Službene novine Kantona Sarajevo“, br. 5/20 – Prečišćeni tekst i 20/20 - Ispravka), Općinsko vijeće Novo Sarajevo na nastavku 11. redovnoe sjednice, održanom dana 17.03.2026. godine, donijelo je

## **ODLUKU**

### **o dodjeli jednokratne novčane pomoći borcima iz fonda za boračko-invalidsku zaštitu**

#### **Član 1. (Predmet Odluke)**

- (1) Ovom Odlukom utvrđuju se korisnici, kriteriji, uslovi, vidovi jednokratne pomoći borcima iz fonda za boračko-invalidsku zaštitu, te način raspodjele sredstava.

#### **Član 2. (Korisnici)**

- (1) Pravo na dodjelu jednokratne pomoći iz fonda za boračko-invalidsku zaštitu imaju sljedeća lica: članovi porodica šehida, članovi porodica poginulih, umrlih i nestalih branioaca, ratni vojni invalidi i članovi njihovih porodica, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnih priznanja i odlikovanja, demobilizirani branioци i članovi njihovih porodica, dobrovoljci, organizatori otpora, veterani i ratni vojni zarobljenici, mirmodopski vojni invalidi i učesnici NOR-a, a koja lica su utvrđena u čl. br. 1. i 2. Zakona o dopunskim pravima – boraca – branitelja Bosne i Hercegovine („Službene novine Kantona Sarajevo“, broj 31/22, 08/24 i 13/25) i koja imaju prebivalište najmanje godinu dana na području Općine Novo Sarajevo.
- (2) Prava po ovoj Odluci mogu ostvariti branioци koji su proveli u Oružanim snagama R BiH najmanje godinu dana i lica koje je kao maloljetno stupilo u Oružane snage R BiH, u periodu od 18.09.1991. do 22.04.1996. godine, pod uslovom da ne postoje okolnosti iz člana 36. Zakona o pravima branilaca i članova njihovih porodica („Službene novine Federacije“, br. 33/04, 56/05, 70/07, 09/10, 90/17, 29/22 i 60/24).

#### **Član 3. (Sredstva)**

Sredstva za ovu namjenu obezbjeđena su u Budžetu Općine Novo Sarajevo, Fond: 01 – Opći fond; Programi potpore boračkoj populaciji; ekonomski kod: 614200 -Transfer pojedincima iz Fonda BIZ-a.

#### **Član 4. (Vidovi pomoći)**

- (1) Sredstva iz Transfera pojedincima iz Fonda BIZ-a će se dodjeljivati za sljedeće vidove jednokratne pomoći:
- a) jednokratna novčana pomoć za lica u stanju socijalne potrebe,
  - b) pomoć teško oboljelim,
  - c) pomoć za nabavku skupih lijekova i ortopedskih pomagala i

- d) pomoć u slučaju smrti člana porodice za lica koja to pravo ne mogu ostvariti na drugi način.
- (2) Stanjem socijalne potrebe smatra se trajno ili privremeno stanje, prouzrokovano nepovoljnim ličnim, ekonomskim, socijalnim i drugim okolnostima u kojim je pojedincu ili porodici neophodno pružiti podršku u cilju savladavanja socijalnih i životnih teškoća i stvaranja uslova za zadovoljavanje osnovnih životnih potreba, ukoliko se te potrebe ne mogu na drugi način zadovoljiti, a na osnovu poštivanja ljudskog dostojanstva.

### **Član 5.** **(Kriteriji za ostvarivanje jednokratne pomoći)**

- (1) Dodjela sredstava za jednokratnu novčanu pomoć za lica u stanju socijalne potrebe vršit će se na osnovu sljedećih kriterija:
- a) da se radi o licu iz člana 2. ove Odluke
  - b) da podnosilac prijave i članovi njegovog porodičnog domaćinstva imaju prijavljeno prebivalište na području Općine Novo Sarajevo 12 mjeseci prije podnošenja zahtjeva,
  - c) da ukupna primanja podnosioca prijave i članova njegovog porodičnog domaćinstva ne prelaze visinu:
    - 1) za jednog člana - iznos jedne minimalne penzije u Federaciji BiH isplaćene na dan podnesene prijave
    - 2) za dva člana - iznos 1,5 minimalne penzije u Federaciji BiH isplaćene na dan podnesene prijave
    - 3) za tri i više članova - iznos dvije minimalne penzije u Federaciji BiH isplaćene na dan podnesene prijave
  - d) da podnosilac prijave i članovi njegovog porodičnog domaćinstva nisu vlasnici odnosno korisnici poslovnog prostora.
- (2) Dodjela sredstava za pomoć teško oboljelim vršit će se na osnovu sljedećih kriterija (bez obzira na prihode):
- a) da se radi o licu iz člana 2. ove Odluke,
  - b) da podnosilac prijave, odnosno oboljeli član njegove porodice ima prijavljeno prebivalište na području Općine Novo Sarajevo najmanje 12 mjeseci prije podnošenja zahtjeva,
  - c) da je priložena medicinska dokumentacija ne starija od godinu dana od dana podnošenja prijave,
  - d) da je priložen dokaz da se radi o težoj bolesti navedenoj u članu 6. stav (2) ove Odluke.
- (3) Dodjela sredstava za nabavku skupih lijekova i ortopedskih pomagala vršit će se na osnovu sljedećih kriterija (bez obzira na prihode):
- a) da se radi o licu iz člana 2. ove Odluke,
  - b) da podnosilac prijave, odnosno član njegove porodice ima prijavljeno prebivalište na području Općine Novo Sarajevo najmanje 12 mjeseci prije podnošenja zahtjeva,
  - c) da je priložen dokaz o potrebi nabavke skupog lijeka i ortopedskog pomagala,
  - d) da je priložen dokaz Zavoda za zdravstveno osiguranje Kantona Sarajevo o refundaciji troškova, odnosno učešća Zavoda u kupovini ortopedskog pomagala,
  - e) da je priložen original račun o kupovini lijeka ili ortopedskog pomagala sa fiskalnim računom.
- (4) Dodjela sredstava za pomoć u slučaju smrti člana porodice za lica koja to pravo ne mogu ostvariti na drugi način vršit će se na osnovu sljedećih kriterija (bez obzira na prihode):
- a) da je podnosilac prijave lice iz člana 2. ove Odluke

*Općina Novo Sarajevo, ulica Zmaja od Bosne br. 55, centrala telefon (387 33) 492 100*

*Općinsko vijeće Novo Sarajevo*

*tel: (387 33) 492 268, fax: (387 33) 650 397, email: [vijece@novosarajevo.ba](mailto:vijece@novosarajevo.ba)*

*Identifikacioni broj: 4200558710008 PDV broj: 200558710008 Porezni broj: 0170333000*

*Depozitni račun 1411965320011288 Bosna Bank International d.d*



- b) da je umrlo lice u užem srodstvu sa podnosiocem prijave (dijete, bračni drug, roditelji, brat ili sestra)
- c) da je umrlo lice imalo prebivalište na području općine Novo Sarajevo prije nastupanja smrti
- d) da su priloženi original računi, sa fiskalnim računom, o plaćanju troškova dženaze/sahrane
- e) da svi priloženi računi glase na ime podnosioca prijave
- f) da je smrt nastupila u periodu do 12 mjeseci prije podnošenja prijave.

**Član 6.**  
**(Visina novčane pomoći)**

- (1) Visina jednokratne novčane pomoći za lica koja se nalaze u stanju socijalne potrebe iznosi:

|    |                                      |           |
|----|--------------------------------------|-----------|
| a) | za jednog člana domaćinstva          | 150,00 KM |
| b) | za dva člana domaćinstva             | 250,00 KM |
| c) | za tri člana domaćinstva             | 350,00 KM |
| d) | za četiri i više članova domaćinstva | 450,00 KM |

- (2) Visina novčane pomoći za pomoć teško oboljelim licima iz člana 2. Odluke kao i članova porodice koji žive u zajedničkom domaćinstvu iznosi:

|    |                                                                                                                                                                                                                                                                                                                                                               |                |
|----|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------|
| a) | Maligna oboljenja                                                                                                                                                                                                                                                                                                                                             | do 2.000,00 KM |
| b) | Endemska nefropatija (specifična hronična bolest bubrega- propadanje bubrega, bubrežna insuficijencija, povećan rizik od karcinoma urinarnog trakta)                                                                                                                                                                                                          | do 2.000,00 KM |
| c) | Akutna tuberkuloza                                                                                                                                                                                                                                                                                                                                            | do 1.000,00 KM |
| d) | Infarkt (moždani, srčani)                                                                                                                                                                                                                                                                                                                                     | do 1.000,00 KM |
| e) | Autoimune i sistemske bolesti (hashimoto tireoditis, psorijaza, vitiligo, reumatidni artritis idiopatska, trombocitopenija, multipla skleroza, celijakija, vegenerova granuloamatoza, sjergerov sindrom, scleroderma, sistemski lupus erythematodes, bechterova bolest, hronične intersticijalne eozinofilne pneumonije (upala pluća sa komplikacijama) i sl. | do 1.000,00 KM |
| f) | Endokrini i metaboličke bolesti: - šećerna bolest sa komplikacijama (sljepilo, bubrežna insuficijencija, gangrena ekstremiteta),                                                                                                                                                                                                                              | do 1.000,00 KM |
| g) | Hronična opstruktivna bolest pluća                                                                                                                                                                                                                                                                                                                            | do 1.000,00 KM |
| h) | Terminalna renalna insuficijencija na hemodijalizi                                                                                                                                                                                                                                                                                                            | do 1.000,00 KM |
| i) | Povrede mozga sa senzomotoričnim ispadima, oduzetošću i nepokretnošću                                                                                                                                                                                                                                                                                         | do 1.000,00 KM |
| j) | Stanje poslije hirurškog zahvata                                                                                                                                                                                                                                                                                                                              | do 1.000,00 KM |
| k) | Birgerova bolest (upalna tromboza krvožilnog sustava)                                                                                                                                                                                                                                                                                                         | do 1.000,00 KM |
| l) | Sva degenerativna oboljenja centralnog nervnog sistema (alzheimerova bolest, Parkinsonova bolest, demencija i sl.)                                                                                                                                                                                                                                            | do 1.000,00 KM |
| m) | Oboljenje mišićnog sistema i paralize                                                                                                                                                                                                                                                                                                                         | do 1.000,00 KM |
| n) | Epilepsija                                                                                                                                                                                                                                                                                                                                                    | do 1.000,00 KM |
| o) | Povrede koje dovode do ukočenosti i                                                                                                                                                                                                                                                                                                                           | do 1.000,00 KM |

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: [vijece@novosarajevo.ba](mailto:vijece@novosarajevo.ba)

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



|    |                                                                                                                                                                                                                                                     |                |
|----|-----------------------------------------------------------------------------------------------------------------------------------------------------------------------------------------------------------------------------------------------------|----------------|
|    | ograničenja pokretljivosti zglobova i amputacije ekstremiteta                                                                                                                                                                                       |                |
| p) | Bolesti kardiocirkulatornog sistema: reumatska groznica koja obuhvata srce, oboljenja zalizaka praćena popuštanjem srčanog mišića, hipertenzivna oboljenja srca sa popuštanjem srčanog mišića, te druge srčane bolest, urođene i stečene            | do 1.000,00 KM |
| r) | Ciroza jetre i bolesti jetre različite etiologije sa trajno promijenjenim i patološkim nalazima u kliničkom, laboratorijskom i funkcionalnom smislu, a koje zahtijevaju dugotrajno liječenje ili kod kojih je indiciran tretman imunostimulativima. | do 500,00 KM   |
| s) | Duševne bolesti: - bolesti zbog čije prirode i stanja oboljeli može ugroziti svoj i/ili život drugih osoba, oštetiti materijalna dobra, a koje zahtijevaju stalni medikamentozni tretman i kontinuirano praćenje od strane ovlaštenog psihijatra.   | do 500,00 KM   |

- (3) Visina novčane pomoći za potrebe nabavke skupih lijekova i ortopedskih pomagala za lica iz člana 2. ove Odluke kao i članova porodice koji žive u zajedničkom domaćinstvu, isplaćuje se po priloženom fiskalnom računu, odnosno u visini plaćene razlike od učešća Zavoda za zdravstveno osiguranje Kantona Sarajevo, a najviše do 500,00 KM.
- (4) Visina jednokratne novčane pomoći u slučaju smrti člana porodice lica iz člana 2. ove Odluke, koja na drugi način ne mogu ostvariti to pravo, isplaćuje se po priloženom fiskalnom računu, a najviše do 1.000,00 KM.

#### Član 7.

##### (Pravo na puni iznos jednokratne pomoći)

- (1) Lica iz člana 2. Ove Odluke pravo na puni iznos jednokratne novčane pomoći za teška oboljenja iz člana 6. stav (2) ove Odluke imaju samo ukoliko podnose zahtjev prvi put.
- (2) Svaki sljedeći zahtjev za jednokratnu pomoć po istoj bolesti umanjit će se za polovinu utvrđenog iznosa.
- (3) Za hronična oboljenja, može se odobriti najviše polovina iznosa propisana u članu 6. stav (2) ove Odluke jednom u toku kalendarske godine.
- (4) U slučaju pogoršanja primarnog oboljenja, ili dijagnosticiranja novog oboljenja iz člana 6. stav (2) ove Odluke, podnosioc zahtjeva ima pravo na puni iznos jednokratne novčane pomoći za teška oboljenja.
- (5) Ukoliko je podnosilac prijave u tekućoj godini već ostvario jednokratnu pomoć iz Budžeta Općine, ne može ostvariti isto pravo u Službi za boračko-invalidsku zaštitu Općine Novo Sarajevo.

#### Član 8.

##### (Postupak ostvarivanja prava)

- (1) Postupak ostvarivanja prava na dodjelu sredstava provodi se putem javnog poziva, koji raspisuje Općinska načelnica, a koji se objavljuje na službenoj web stranici Općine Novo Sarajevo i ostaje otvoren do utroška sredstava, a najduže do 15.12. tekuće godine.
- (2) Javni poziv obavezno sadrži:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: [vijece@novosarajevo.ba](mailto:vijece@novosarajevo.ba)

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



- a) predmet javnog poziva,
  - b) potrebna dokumentacija,
  - c) način prijave na javni poziv,
  - d) način odabira korisnika,
  - e) obavještanje prijavljenih korisnika.
- (3) Prijava na javni poziv obavezno se podnosi u pisanoj formi, na prijavnom obrascu, na kojem je navedena potrebna dokumentacija koju je podnosilac prijave dužan priložiti. Prilikom predaje prijave, podnosiocu će biti dodjeljen broj prijave.
- (4) Ispunjavanje uslova iz člana 7. stav (1) i (4) provjerit će se službenim putem.
- (5) Prijava na javni poziv za jednokratnu novčanu pomoć po ovoj Odluci može se podnijeti samo jedan put u tekućoj kalendarskoj godini. Izuzetno, u slučaju dijagnosticiranja novog oboljenja iz člana 6. stav (2) ove Odluke i u slučaju smrti člana porodice, lice iz člana 2. ove Odluke pomoć se može ostvariti ponovno u istoj kalendarskoj godini.

### Član 9.

#### (Način odlučivanja i realizacija sredstava)

- (1) Komisiju za odabir korisnika imenuje Općinska načelnica (u daljem tekstu Komisija).
- (2) Komisija se sastoji od tri člana i jednog zamjenskog člana, koji su uposlenici Općine Novo Sarajevo.
- (3) Služba za boračko-invalidsku zaštitu, pruža svu neophodnu administrativno tehničku podršku radu Komisije.
- (4) Komisija je zadužena da zaprimi i pregleda sve prijave, utvrdi ispunjenost propisanih uslova i predloži iznose sredstava koji se dodjeljuju korisnicima koji su ispunili sve uslove.
- (5) Komisija prijave razmatra po redoslijedu prijema, a u skladu sa raspoloživim sredstvima u Budžetu Općine Novo Sarajevo.
- (6) Prijave kandidata koje ne ispunjavaju sve formalne uslove iz javnog poziva ili koje se ne odnose na vidove jednokratne pomoći iz člana 4. ove Odluke neće biti uzete u razmatranje.
- (7) Komisija obavještava kandidate o predanim prijavama, sa razlozima nerazmatranja odbijenih prijava putem službene web stranici Općine Novo Sarajevo, a po broju prijave iz člana 8. stav (3) ove Odluke i na istu je moguće uložiti prigovor Općinskoj načelnici u roku od 5 (pet) dana od dana objave na službenoj web stranici Općine Novo Sarajevo.
- (8) Po konačnosti obavjesti iz prethodnog stava, Komisija sačinjava prijedlog za finansiranje, na osnovu kojeg Općinska načelnica donosi zaključak o odobravanju isplate sredstava.

### Član 10.

#### (Stupanje na snagu)

- (1) Ova Odluka stupa na snagu osmog dana od dana objavljivanja u "Službenim novinama Kantona Sarajevo".
- (2) Stupanjem na snagu ove Odluke prestaje da važi Odluka o kriterijima za raspodjelu sredstava Grant pojedincima iz fonda BIZ-a („Službene novine Kantona Sarajevo“ broj 19/21).

Broj: 02OV-01-1-1208/26  
Sarajevo, 17.03.2026. godine

**PREDSJEDAVAJUĆI**  
Općinskog vijeća Novo Sarajevo

**Mr. sci. Edison Pavlović**

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: [vijece@novosarajevo.ba](mailto:vijece@novosarajevo.ba)

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



